



SIARAN MEDIA KEMENTERIAN KEWANGAN MALAYSIA YB TUAN LIM GUAN ENG

PEMBAYARAN FASA KETIGA BANTUAN SARA HIDUP 2019 MULAI 28 OGOS 2019

Seperti yang diumumkan dalam Ucapan Belanjawan 2019, Kerajaan telah meneruskan program Bantuan Sara Hidup (BSH) demi kesejahteraan ekonomi rakyat, dengan membantu golongan berpendapatan rendah (B40) meringankan kos sara hidup mereka. Bagi membuktikan keprihatinan Kerajaan Pakatan Harapan terhadap golongan B40 dan seterusnya memberi impak yang tinggi kepada rakyat, pembayaran fasa ketiga BSH 2019 akan dilaksanakan mulai **28 Ogos 2019 (Rabu)**. Perincian nilai BSH 2019 yang diterima oleh isi rumah yang diluluskan mengikut pendapatan bulanannya adalah seperti berikut:

Pendapatan Isi Rumah	Bawah RM2,000	RM2,001 – RM3,000	RM3,001 – RM4,000
Fasa 1	RM300	RM300	RM300
Fasa 2	RM300	RM150	RM100
Fasa 3	RM400	RM300	RM100
Jumlah	RM1,000	RM750	RM500

Sejumlah **RM2.85 bilion** telah disalurkan bagi bayaran fasa pertama (Januari 2019) dan kedua (Mei 2019) BSH 2019 kepada isi rumah yang diluluskan, termasuk bayaran kadar tambahan sebanyak RM120 bagi setiap orang anak tanggungan terhad kepada maksima 4 orang anak. Anak tanggungan merujuk kepada anak berumur 18 tahun dan ke bawah dan juga anak OKU tanpa had umur.

Pembayaran fasa ketiga BSH 2019 mulai 28 Ogos 2019 ini akan melibatkan **hampir 3.6 juta penerima BSH** dengan anggaran peruntukan sebanyak **RM1.23 bilion**. Pembayaran akan dikreditkan terus ke akaun bank masing-masing menggunakan maklumat akaun bank semasa pembayaran fasa kedua BSH 2019.

Bagi memastikan program BSH 2019 disasarkan kepada mereka yang benar-benar layak, tempoh permohonan rayuan dibuka mulai 1 Julai 2019 hingga 15 Ogos 2019 dan pembayaran bagi mereka yang diluluskan rayuannya dijangka akan dibuat pada bulan September 2019. Sekiranya terdapat sebarang pertanyaan lanjut, boleh menghubungi talian bebas tol 1-800-88-2747 serta e-mel kepada bsh@treasury.gov.my.

Sayangi Malaysiaku!

Lim Guan Eng

Menteri Kewangan
Kementerian Kewangan Malaysia
Putrajaya

